

AKASHVANI AIZAWL

REGIONAL NEWS UNIT

Saturday, July 19, 2025 Time - 2:30pm - 2:35pm

OIL TANKER DRIVERS PROTEST

Mizoram Oil Tanker Driver Association MOTDA chuan vawiin atang khan Sairang leh Kawnpui inkar kawngchhia avangin an lirthei an din tir.

MOTDA President Pu Romel Lalruatdika chuan Akashvani zawhna chhangin nimina thuchhuaha an lo tarlan tawh angin vawiin atang khan kawngchhia avangin an lirthei an din tir tan thu leh Oil Tanker khalhtuten an zawm that thu a sawi a. Sairang leh Kawnpui inkar kawngpui chu tlan ngaihna a awm tawh loh thu sawiin a kal apiang an tan loh leh an tluk thu a sawi a. Kawngchhia avangin hun rei tak tak kawngah an cham thin thu a sawi a ni.

Pu Romel Lalruatdika chuan kawngpui chu black top beiseia an nawrh loh thu a sawi a. Black top mai theih a nih loh chu an hriat ve reng thu sawiin hetihual hian a chhe zual leh a khwar zual lai chu hnawh sak tura thuneitute an beisei thu a sawi a. Hnawh chauh hi chuan rei a daih dawn chuan loh avangin hnawh mai bakah roll tel tura an phut thu a sawi a ni.

Pu Romel Lalruatdika chuan sorkar lam nen inbiakna an neih rih loh thu a sawi a. Thuneitu leh a kawng siam mek tute ngaihchan rih chu an tihtheih awmchhun a nih rih thu a sawi a. Vawiin atangin Oil Tanker pakhatmahin load an lak loh thu a sawi a, Guwahati-a Northeast Petroleum Mazdoor Union ten an thlawp thu a sawiin Mizoram Tipper Owners & Drivers Association, Kolasib ten thuchhuah hial siama an thlawp avangin lawmthu a sawi a. Fak Hlawh Lo Val Rual tih pawl te pawhin thuchhuah siama an thlawp thu leh lawmawm a tih thu a sawi bawk a ni.

Voicecast

Mizoram Oil Tanker Driver's Association te hian nimin khan Sairang leh Kawnpui inkar kawngpui chu tlan theih pangngai a nih hma chu vawiin Inrinni atang hian an tlan dawn loh thu an sawi a. Vawiin atang khan an lo sawi lawk ang hian an lirthei an din tir a. Kawng khwar chu tlan ngaihna awm lo leh a lirthei khalhtute nunna atan pawha hlauhawm a nih thu an sawi a. A bik takin Oil Tanker te chu an chetsuala kangmei a chhuah theih avangin an tan a hlauhawm bik thu a sawi a. Thuneitute lam, a kawng siam mek tu a ni emaw, sorkar lam a ni emaw la ngaihchan zel an tum tih an sawi a ni.



CKTP RUIHHLO DO

Mizoram Presbyterian Kohhran thalai, KTP te chuan ruihhlo do beihpui an thlak mek a, tun thla tir atang khan zana khawlaia ruihhlo ngai awm te ngaihvenin Street Ministry an kalpui tan a, an hmalakna hian December thla thleng a awh ang.

Central KTP hnuaia Ruihhlo Do Committee Secretary Pu David Lalruatfela chuan Street Ministry chu KTP Rorel Inkhawm Vawi 11-na in a rel angin CKTP Ruihhlo Do Street Ministry chu tun thla ni khat atang khan kalpui tan a nih thu Akashvani a hrilh a. Zirtawpni zan apiangin Aizawl khawpui chhungah chuan hmun 14-ah KTP Branch hrang hrang te insem darhin Ruihhlo ngai te ngaihvena, ei tur te pein a tul angin counselling te pek thin a nih thu a sawi a. Mizoram chhunga khaw hrang hrangah pawh KTP Branch ten an remchan anga an neih thu a sawi a ni.

Byte of David Lalruatfela.....

Pu David Lalruatfela chuan Ruihhlo Do beihpui chu KTP ten kawng hrang hrangin an thlak mek thu a sawi a. Street Ministry mai bakah KTP Branch tin te anmahni huam chhunga ruihhlo avanga harsatna tawh te ngaihven tura ngen an nih thu leh hma pawh an la meka an hriat thu a sawi a. Ruihhlo that loh zia thuziak tarlanna hoarding pawh branch tin te tar turin an ngen tih sawiin Aizawl khawpui chhung branch bik chu AMC-ah a hlawmin tar phalna dil mek a nih thu leh, khawpui pawn lamah chuan nasa taka hoarding tara hma an lak tawh thu a sawi a. Ruihhlo thatlohzia inzirtirna branch tinah nei turin an in ngen thu a sawi a. Video clip tawi insiamsiak pawh buatsaih mek a nih thu a sawi a ni.



34 INDIAN FISHERMAN DETAINED

India sangha mantu mi 34 te chu Bangladesh thuneituten an hreng mek.

Ministry of External Affairs thuchhuahin a tarlan danin heng sangha mantute hi Bangladesh thuneitute chuan Bangladesh awpchin tuifinriat-ah leng an deng nia puhin a hreng mek a, chanchin buatsaih a nih lai hian Bangladesh thuneitute leh Bangladesh-a Indian High Commission-te chu an inbe mek a, sorkar laipui chuan heng sangha mantute leh an sangha manna lawng nen Bangladesh sorkar chuan chhuah vat tura a duh thu a thuchhuah siamah hian a tarlang bawh.



ISRAEL AND SYRIA AGREED CEASEFIRE

US Ambassador to Turkey Tom Barrack chuan Israel leh Syria ten inkahhai neih an remtih ve ve thu vawiin khan a sawi.

Turkey-a US palai Tom Barrack chuan Syria chuan hun rei tak an hruaitu lo ni tawh bashar-Al-Assad paihthlak a nih hnua hualchhung buaina neuh neuh an neih thu sawiin, a ram thenawm Turkey pawh hei hian eng emaw chenah a kan kai thu a sawi a. Turkey President Recep Tayyip Erdogan pawhin Syria buaina hmehmih a nih vat theihna atan a sa ngawi zawnpui Russia President Vladimir Putin pawh a be bawh.



CHINA CONDEMNS PAHALGAM ATTACK

China chuan kumin April ni 22-a Pahalgam Jammu and Kashmir-a Pakistan firfiak pawlte pawikhawihna chu a dem takzet thu a sawi.

Chinese Foreign Ministry thupuangtu Lin Jain chuan he thu hi sawiin China sorkar chuan a rawl ral a chetna chu a ngaihthiam theih ngailoh tur thu a sawi a, China ram thenawm ramte pawh a rawl ral a che te tuk zal kawngah thawhpui an inpeih reng thu a sawi bawk.

